



Inatsisartuni ilaasortaq, Naaja H. Nathanielsen

### **Apeqquut nr. 71-imiittunut akissutit**

Inatsisartut suleriaasianni § 37 naapertorlugu Naalakkersuisunut makkuningga apeqquateqarsimavutit:

#### *Apeqquut 1.*

*Naalakkersuisut isumaqarpat Namminersorlutik Oqartussat siunnersuisoqatigiinnik arlaannik pilersitsinnaanerit Inatsisartut ataatsimiititaliaasa suliaminnik naammassinninniarnernannik akorngusersuutaasinnaasoq?*

26. marsi 2014  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isi-  
in@nanoq.gl  
www.nanoq.gl

### **Akissut**

Ilaatigut misissuinerit, sammisanik naliliinerit aamma namminersorlutik oqartussat aqutsisoqarfiani aalajangiussassatut oqallisissiat suliarineqartut, nalinginnaasumik aqutsinermut inatsisitigut maleruagassanik tunngavigisassanillu ilaatigut aqutsisoqarfimmi kinaassusersiunnginnermut piviusorsiornermullu tunngasunik inatsisilersugaasut tunngavigalugit Naalakkersuisut aalajangiisarput. Inatsisartut Naalakkersuisut katitigaanerannut aalajangiisuupput, taamaalillutillu aqutsisoqarfimmi siulersuisutut qullersanut. Taamaalillutik Inatsisartut aqutsisoqarfiup suliaqarneranut, taamatuttaaq Inatsisartuni Ombudsmandip ilisimasaqarfissaanut qullersaqartuusunut sunniuteqartuupput. Aalajangiisartorpialli siunnersuisartullu Naalakkersuisut killeqartumik aqutsisuuffigaat, taamaalillutillu taakku Inatsisartut sunniuteqarfiunerisa nakkutilline-risalu avataanniikkajuttuupput.

#### *Apeqquut 2.*

*Naalakkersuisut aningaasarsiornikkut politikkiat imaluunniit aanngajaarniutit pillugit politikkiat pillugit Inatsisartut paasisutissanik pissarsiniarnerannut Aningaasaqarnermut Siunnersuisoqatigiit imaluunniit Imigassaq ikiaroornartullu pillugit Siunnersuisoqatigiit akorngusersuuppat?*

### **Akissut**

Naagga.

#### *Apeqquut 3.*

*Inatsisartut nakkutilliinerat eqqarsaatigalugu Naalakkersuisut isumaqarpat suliffeqarfiit namminersortut siunnersuisarnerat siunnersuisoqatigiit arlaannaannulluunniit attuumassuteqanngitsut siunnersuisarnerannit ammasumik periuseqarnerulersitsisartoq? Matumani ilaatigut eqqarsaatigineqarput suliffeqarfiit*

*namminersortut eqqartuussissuserisut suliffeqarfiutaat Lett imaluunniit PricewaterhouseCoopers sullissisit Naalackersuisut attuumassuteqarfigisaat?*

#### **Akissut**

Suliffeqarfiit namminersortut, soorlu eqqartuussissuserisut suliffeqarfiutaat Lett imaluunniit PricewaterhouseCoopers atugarinerat suliaqarfinni immikkut ittuni sammisatigit pitsaanerpaamik siunnersorneqarnissamut Naalackersuisut attaveqarnissaat isumannaarniarlugu pisarpoq. Tamanna Naalackersuisut Inatsisartunut akissussaaffeqarlutik aqutsisoqarfimmi qullersatut siulersuineramik ingerlatsiuarnerannik allannguuteqartitsinngilaq.

*Apeqqu 4.*

*Inatsisartut ullumikkut qanoq ilillutik Namminersorlutik Oqartussat siunnersortinit avataaneersunit, apeqquataatinnagu suliffeqarfinnit siunnersuisoqatigiinnilluunniit pisuuppata, siunnersorneqarnerat "nakkutigisinnaavaat"? Ullumikkut Namminersorlutik Oqartussat siunnersorneqarnitik pillugit Namminersorlutik Oqartussat Inatsisartunut automatiskiusumik paasissutissiisarpat?*

#### **Akissut**

Namminersorlutik Oqartussat ataanni pisortani aqutsisoqarfinnut tamanut pisortani aqutsinermi sulianik isumaginninneq pillugu Inatsisartut inatsisaat atuuttuuvoq. Suliat isumaginerini, aqutsisoqarfimmit oqartussaasunit aalajangiiffigineqartuni inatsit atuuttuuvoq. Inatsisip namminersorlutik oqartussani kommuninilu aqutsisoqarfiit iluini sulianik isumaginninnermut maleruagassiivoq, makkununga tunngasunik: ilitsersuineq, attuumavallaarneq, illua'tungerisanik tusarniaaneq, aalajangiinnermut tunngavilersuutit, illua'tungerisat sulianik ilisimasaqarneri, oqaqqusaannginneq aamma maalaarsinnaanerit pillugit paasissutissiinerit.

Suliat isumagineri pillugit Inatsisartut inatsisaat aamma avataanit siunnersuisartunit siunnersuineramik pissarsiorfinnut atuuppoq. Naalackersuisut aqutsisoqarfimmi pisortani qullersaapput, aqutsisoqarfimmi pisortatut aalajangiisarlutik. Demokratiimi tunngaviusumik pissaanermik pingasunut agguataarinnermi aqutsisoqarfimmik piviusutut suliaqarneq Naalackersuisunullu pisinnaatitaanermik tunniussineq pingaarnertut ilaasuupput. Namminersorlutik Oqartussanit pissariarsatut siunnersuisoqarnermik taasuminnga Inatsisartunut imminek ingerlassatut paasissutissanik nassiussinissamik pissaaffeqaratik Naalackersuisut aalajangiussaqaarsinnaanerannik tamanna isumaqarpoq. Misissuineranut naliliinernullu allanut, Naalackersuisut aqutsisoqarfianni atugassanut suliarineqartunut tamanna aamma atuuppoq.

Inussiarnersumik inuulluqqusillunga,



Jens-Erik Kirkegaard